

32. Statius Fabritius Doctor, Anno 1647. obiit Anno 1650.

Vippo Udus ist ein Herren-Standes Person gewesen/ ligt im Creutzgang begraben/ vmb dessen Leichstein stehet folgendes: Anno Dom. M C C C I. V. N O N A S Maii obiit; Vippo Udus miles dictus nomine requiescat in pace.

Soll die newe schöne Kirchen haben erbaun lassen.

Es hat Graff Otto von Eberstein sich mit dem Edlen Bannier-Herrn von Homburg/ Herrn Henrichen/ nicht vertragen können/ sondern wie Sie zugleich in diese Kirchen kommen/ vnd dieser jenem entweichen wollen/ ist der Graff aber ihm fürgekauften/ vnd hat ihn in der kleinen Kirchthür erstochen/ gestalt dann hochgedachter Bannier Herr von Homburg/ sampt seiner Gemahlin/ vnter einem erhobenen Leichstein/ darauff ihre beyde effigies wol abgebildet/ annoch stehen/ in der Amelunxbornischen Kirchen begraben ligen. Graff Otto von Eberstein aber/ hat sich mit der Flucht saluirt/ auß dem Lande gemacht/ vnd in Pommern/ im Distumb Caminensi, die Herrschafft Newgarten gekaufft/ vnd daselbst gleichsam ein new Geschlecht gestiftet/ vnter dem Titul der Grafen von Eberstein/ Herrn zu Newgarten vnd Massawze. Graff Ottens Batter aber/ Graff Herman/ so Anno 1445. gestorben/ hat die Graffschafft Eberstein/ Herzog Otten zu Braunschweig vnd Lüneburg/ dem er seine Tochter/ Fräwlein Elisabeth/ zur Ehe gegeben/ verehrt/ vnd ist also die Herrschafft

Homburg/ vnd Graffschafft Eberstein/ an die Herzogen zu Braunschweig vnd Lüneburg kommen.

Der 24. Abbas Warnerus de Insula, ist vermöge des Leichsteins in der Kirchen/ vñ der Alten Bericht/ so es von ihren Vorfahren gehöret/ eine Person von zehen guster Mannsfuß gewesen/ das er hat über die hohen Stände sehen können/ ob die fratres auch alle zu Chor wären/ welches er dann zum offtern soll gethan haben.

Vor Stiftung des Closters/ ist der Ort fast lauter Holzunge gewesen/ so von Jahren zu Jahren außgerottet/ das anjeho etwa bey 600. Morgen arthafftiges Ackers bey dem Closter seyen. Es kan wegen der weitläufftigen Weide/ auch eine zimliche Viehezucht bey dem Closter gehalten werden/ massen es darzu nottürfftige Gräser vnd Heuwachs hat/ vnd hat sonst das Closter/ weil es fast im Holze liget/ vnd vff die alte Manier gebawet ist/ außwendig kein grosses Ansehen.

In diesem Kriegswesen ist dieses an sich sonst zimlich reichbegabtes Closter/ über die masse verdorben/ vnd ruiniert worden/ nicht allein an den Gebäuden vnd Mawren/ sondern vornemblich auch an seinen Aufhöfen vnd Meyern/ so verbrant/ herunter gerissen/ vnd zu grund vnd verderben mehrertheils gerichtet/ also das durch des jetzigen gnädigen Landesfürsten Sorgfalt vnd Aufsicht/ dieses Closter kaum ein wenig auß den grossen Lasten beginnet zu eluciren.

S. Andreasberg.

Ze Fürstl. Braunschweig: Lüneburg: Grubenhagische Bergstatt S. Andreasberg/ genant nach dem Apostel S. Andreas/ ist auffkommen/ nach dem die Herren Grafen von Honstein vnd Lutterberg/ Herz Henrich/ vnd Herz Ernst/ Gebrüdere/ eine Berg-Freyheit/ Anno 1521. Sontags post Viti, abfassen/ vnd publiciren lassen/ welcher Berg-Freyheit alle die/ so in J. J. G. Gn. Herrschafft/

es wäre an welchem Orte es wolle/ Bergwerck suchen/ antreffen/ vñ bawen würden/ zu genieffen haben solten. Vorauff Bergleute in den Hartz sich gemacht/ an dem Ort/ da jeso die Bergstatt stehet/ Bergwerck angetroffen/ vñ wo der Marckt ist/ woselbst es etliche frische Quellen gehabt/ die ersten Häuser auffgebawet haben/ in welchem Jahr aber solches geschehen/ ist vnbeuust. Diese Bergstatt ist gelegen im Hartz/